

Izborni zakon BiH - Članak 10.12

(1) Broj delegata iz svakog konstitutivnog naroda i iz reda ostalih, koji se biraju u Dom naroda Parlamenta Federacije BiH iz zakonodavnog organa svakog kantona je proporcionalan broju stanovnika kantona prema posljednjem popisu. Centralna izborna komisija BiH određuje, nakon svakog popisa, broj delegata koji se biraju iz svakog konstitutivnog naroda i iz reda ostalih, a koji se biraju iz zakonodavnog organa svakog kantona.

(2) Za svaki kanton, broj stanovnika iz svakog konstitutivnog naroda i iz reda ostalih se dijeli brojevima 1, 3, 5, 7, itd. sve dok je to potrebno za raspodjelu. Brojevi koji se dobiju kao rezultat ovih dijeljenja predstavljaju količnike svakog konstitutivnog naroda i ostalih u svakom kantonu. Svi količnici konstitutivnih naroda se ređaju zasebno po veličini tako što se najveći količnik svakog konstitutivnog naroda i iz reda ostalih stavlja na prvo mjesto. ~~Svakom konstitutivnom narodu se daje jedno mjesto u svakom kantonu.~~ Najveći količnik za svaki konstitutivni narod u svakom kantonu se briše sa liste količnika tog konstitutivnog naroda. Preostala mjesta se daju konstitutivnim narodima i ostalim, jedno po jedno, od najvećeg prema najmanjem prema preostalim količnicima na listi.

****Rješenjem Ustavnog suda BiH objavljenom u Službenom glasniku BiH broj: 54/17 od 28.07.2017.godine odredba člana 10.12 stav (2) Izbornog zakona BiH u dijelu: „Svakom konstitutivnom narodu se daje jedno mjesto u svakom kantonu.“, prestala je da važi od 29.07.2017.godine.***

Izborni zakon BiH - Članak 20.16 A

(1) Do potpune provedbe Aneksa 7. Općeg okvirnog sporazuma za mir u Bosni i Hercegovini, raspodjela mjesta po konstitutivnom narodu koja je obično uređena Poglavljem 10, Potpoglavlje B ovog Zakona odvija se sukladno s ovim člankom.

(2) Do organiziranja novog popisa, kao temelj koristi se popis iz 1991. godine tako da svaki kanton bira slijedeći broj delegata:

~~a) iz zakonodavnog tijela Kantona br. 1, Unsko-sanski kanton, bira se pet izaslanika, uključujući dva iz reda bošnjačkog, jednog iz reda hrvatskog i dva iz reda srpskog naroda;~~

~~b) iz zakonodavnog tijela Kantona br. 2, Posavski kanton, biraju se tri izaslanika, uključujući jednog iz reda bošnjačkog, jednog iz reda hrvatskog i jednog iz reda srpskog naroda; c) iz zakonodavnog tijela Kantona br. 3, Tuzlanski kanton, bira se osam izaslanika, uključujući tri iz reda bošnjačkog, jednog iz reda hrvatskog, dva iz reda srpskog naroda i dva iz reda ostalih;~~

~~d) iz zakonodavnog tijela Kantona br. 4, Zeničko-dobojski kanton, bira se osam izaslanika, uključujući tri iz reda bošnjačkog, dva iz reda hrvatskog, dva iz reda srpskog naroda i jednog iz reda ostalih;~~

~~e) iz zakonodavnog tijela Kantona br. 5, Bosansko-podrinjski kanton – Gorazde, biraju se tri izaslanika, uključujući jednog iz reda bošnjačkog, jednog iz reda hrvatskog i jednog iz reda srpskog naroda;~~

~~f) iz zakonodavnog tijela Kantona br. 6, Srednjobosanski kanton, bira se šest izaslanika, uključujući jednog iz reda bošnjačkog, tri iz reda hrvatskog, jednog iz reda srpskog naroda i jednog iz reda ostalih;~~

~~g) iz zakonodavnog tijela Kantona br. 7, Hercegovačko-neretvanski kanton, bira se šest izaslanika, uključujući jednog iz reda bošnjačkog, tri iz reda hrvatskog, jednog iz reda srpskog naroda i jednog iz reda ostalih;~~

~~h) iz zakonodavnog tijela Kantona br. 8, Zapadnohercegovački kanton, biraju se četiri izaslanika, uključujući jednog iz reda bošnjačkog, dva iz reda hrvatskog i jednog iz reda srpskog naroda;~~

~~i) iz zakonodavnog tijela Kantona br. 9, Kanton Sarajevo, bira se 11 izaslanika, uključujući tri iz reda bošnjačkog, jednog iz reda hrvatskog, pet iz reda srpskog naroda i dva iz reda ostalih i~~

~~j) iz zakonodavnog tijela Kantona br. 10, Kanton 10, biraju se četiri izaslanika, uključujući jednog iz reda bošnjačkog, dva iz reda hrvatskog i jednog iz reda srpskog naroda.~~

*** Rješenjem Ustavnog suda BiH objavljenom u Službenom glasniku BiH broj: 54/17 od 28.07.2017.godine odredbe članka 20.16A stavak (2) točke a. do j. Izbornog zakona BiH, prestale su da važe od 29.07.2017.godine.**